

Акафист святителю Спиридону Тримифунтскому

Кондак 1.

Препрославленный от Господа святителю и чудотворче Спиридоне! ныне всечестную память твою празднующе, яко много могущему споспешествовати нам о прославльшем тя Христэ, умильно вопиём ти: избави нас от всяких бед и зол, да с благодарением зовём ти:

Радуйся, Спиридоне, предивный чудотворче.

Икос 1.

От юности украшенный всеми добродетельми, житием своим Ангелом подражавый, ты, святителю Спиридоне, воистинну показался еси друг Христов; мы же, зряще тя, небеснаго человека и земнаго Ангела, со благоговением умильно вопиём ти:

Радуйся, уме, созерцая тайны Пресвятыя Троицы; радуйся, обогативыйся Духа пресветлым осиянием.

Радуйся, светильниче многосветлый; радуйся, ум твой безстрастием просветивый.

Радуйся, измлада истинную простоту и безмолвие возлюбивый; радуйся, украшение целомудрия.

Радуйся, любве неистощимая струя; радуйся, яко страннолюбию Авраама подражал еси.

Радуйся, яко всем любвеобильно входы дома своего отверзал еси; радуйся, нищих предстателю.

Радуйся, пред нимже благоговéют людие; радуйся, яко ты еси обиталище Пресвятаго Духа.

Радуйся, Спиридоне, предивный чудотворче.

Кондак 2.

Видяще остров Кипр и вся христианския страны
нетленные мочи твоя, святителю, от нихже истекают
обильная исцеления, возрадовашася; и мы, почитающе тя
яко преобильнаго источника благодати, низпосланнаго
свыше нам, вопием к Верховному Подателю Небесных и
земных благ: Аллилуиа.

Икос 2.

Разум Божественный имый, аще сый пастырь
безсловесных овец, ты произволением Пастыреначальника
Христа избран был еси в пастыря овец словесных. Вернии
же, разумевше тя добраго пастыря, неусыпно о стаде своем
пекущагося, воспеваху:

Радуйся, архиерее Бога Вышняго, в хиротонии
восприявый обильно Божественную благодать; радуйся,
свещильнице многосветлый, горяй и светяй.

Радуйся, верный делателю в вертограде Христовом;
радуйся, пастырю, на пажити веры и благочестия паству
свою воспитавый.

Радуйся, сияньми добродетелей твоих мир
просвещавый; радуйся, Престолу Христову Божественную
Жертву приносивый.

Радуйся, иерарше, разумением Православия
украшенный; радуйся, апостольскаго учения исполненный,
верных струями спасительнаго учения напаяяй.

Радуйся, яко и мудрых озарил еси; радуйся, яко и
простых сердца обновил еси.

Радуйся, славо православных и Церкви непоколебимое
утверждение; радуйся, украшение отцев, славо и похвало
иереев благоговейных.

Радуйся, Спиридоне, предивный чудотворче.

Кондак 3.

Силою Вышняго, осенівшею тя, святителю Спиридоне, богомудр ты показался еси и, сжавши дланию глину, троичность Лиц всем очевидно уяснил еси; темже лжемудрии философи, собравшиися на Соборе, ужасошася, вернии же непостижимаго прославиша Бога, умудрившаго тя во спасение, вопиюще Ему: Аллилуиа.

Икос 3.

Имеюще ты в помышлениях своих вси отцы Собора проста, неискусна в книжном учении, молиша ты, отче Спиридоне, не препираться словеси с витиею, мнящимся мудру быти. Ты же, святителю, ревностию по Бозе распаляемый, веруя, яко проповедь Христова не в препретьельных мудрости человеческого словесех, но в явлении духа и силы, премудре того обличив, вразумил и на путь истинный наставил еси. Вси, видевше чудо сие, зываху:

Радуйся, свете православныя мудрости; радуйся, яко глаголемых быти мудрых совопросников посрамил еси.

Радуйся, источниче, благодатию обильный; радуйся, непоколебимый столпе, твердо содержащий сущих в вере.

Радуйся, омрачаяй всепагубную ересь; радуйся, чрез негоже попрано бысть безумие.

Радуйся, яко персть земная проповеда твоима рукама Святую Троицу; радуйся, яко из глины извел еси огнь и воду во утверждение догмата Святыя Троицы.

Радуйся, яко просветил еси люди славити Слово, воистинну Единосущное Пребезначальному Отцу; радуйся, яко змиеву главу пагубныя ариевы ереси поразил еси.

Радуйся, яко тобою пожерта бысть злоба; радуйся, невернаго мудреца совопросника к истинней вере обративый.

Ра́дуйся, Спиридо́не, предивный чудотво́рче.

Конда́к 4.

Жи́знь проводя́ в убо́жестве и нищете́, ни́щим и бе́дным бы́л еси́ пита́тель и помо́щник и, любве́ ра́ди к ни́щим, зми́я в зла́то преложи́л еси́ и да́л еси́ о́ное тре́бующему твоея́ по́мощи. Дивя́щаяся о чуде́си се́м, благода́рственно вопие́м к Бо́гу: Аллилу́иа.

И́кос 4.

Слы́шано бы́сть все́м и всю́ду, я́ко святите́ль Спиридо́н войсти́нну е́сть жили́ще Святы́я Тро́ицы: всели́ся бо в не́м Бо́г Оте́ц, Бо́г Сло́во и Бо́г Ду́х Святы́й. Сего́ ра́ди ты́ словеси́ и дея́ньми пропове́дал еси́ все́м христиа́ном воплоще́ннаго и́стиннаго Бо́га, вопию́щим:

Ра́дуйся, словес Бо́жих тайнниче; ра́дуйся, домостро́ительство Бо́жие о спасе́нии ми́ра уясни́вый.

Ра́дуйся, я́ко научи́л еси́ не испы́товати е́же е́сть превы́ше ра́зума и му́дрости челове́ческа; ра́дуйся, непостижи́мую де́йствующую в тебе́ си́лу Бо́жию яви́вый.

Ра́дуйся, я́ко уста́ми твои́ми провеща́ Сам Бо́г; ра́дуйся, я́ко вси́ послу́шаху тебе́ в сла́дость.

Ра́дуйся, мглу́ идолослуже́ния разгна́вый; ра́дуйся, я́ко мно́гих к и́стинней ве́ре приве́л еси́.

Ра́дуйся, я́ко главы́ невидимых зми́ев порази́л еси́; ра́дуйся, я́ко тобою́ прославля́ется ве́ра христиа́нская.

Ра́дуйся, я́ко све́тло озаря́еши все́х ублажа́ющих тя́; ра́дуйся, поборниче христиа́нскаго ве́ры и Правосла́вия.

Ра́дуйся, Спиридо́не, предивный чудотво́рче.

Конда́к 5.

Божество́ннаго Ду́ха преиспо́лнен бы́л еси́, святите́лю Спиридо́не, ра́ди добродете́льнаго жити́я твоего́; зане́

крóток, мѣлостив, чѣст сѣрдцем, терпелѣв, непамятозлóбив, страннóлюбец бѣл есѣ: сегó рáди Творѣц и в чудесѣх преслáвна показá тѣ. Мѣ же, прославлѣя Бóга, прослáвльшаго тѣ, вопиѣм Емú: Аллилúиа.

Їкос 5.

Равноáнгельна Спиридóна зрѣм, велѣкаго чудотвóрца. Нѣкогда странá от бездóждия и зáсухи вельмѣ пострададá: бѣсть глáд и язва, и мнóгое мнóжество людѣй умрóша, молѣтвами же святѣтеля снѣде с небесѣ на зѣмлю дóждь; лúдие же, избáвльшеся от бѣдствия, благодарственнó взывáху:

Рáдуйся, велѣкому прорóку Илиѣ уподóбивыйся; рáдуйся, я́ко дóждь, отѣмлющий глáд и недúги, благоврѣменне низвѣл есѣ.

Рáдуйся, пáки молѣтвами своѣми нѣбо заключѣвый; рáдуйся, я́ко немилосѣрдаго купцá лишѣнием имѣния наказáл есѣ.

Рáдуйся, я́ко трѣбующим пѣщу обѣильно даровáл есѣ; рáдуйся, я́ко любоблагоутрѣбие Бóга к лúдем подвизáеши.

Рáдуйся, взѣмляѣ нѣмоци немощнѣх; рáдуйся, богоблагодáтнѣй челóвѣком помóщниче.

Рáдуйся, болящим здравѣе подавáяѣ; рáдуйся, егóже трепѣщут дѣмони.

Рáдуйся, безчѣсленных чудѣс истóчниче.

Рáдуйся, Спиридóне, предѣвнѣй чудотвóрче.

Кондáк 6.

Завѣса ветхозавѣтной скѣнии закрьвáше во Святáя Святѣх ковчѣг, мánну и скрижáли. И храм твоѣй, святѣтелю Спиридóне, имѣет рáку твою, я́ко ковчѣг, святѣя мóщи твоя, я́ко мánну, сѣрдце твоѣ, я́ко скрижáли Божѣственныя благодáти, на нѣхже зрѣм начертáнную пѣснь: Аллилúиа.

Ўкос 6.

Народ Кіпра некогда за умножение беззаконий наказá Господь безплодием земли, егда же прииде к святому Спиридону знаемый земледелец, прося помощи, даде ему святый злато; минувшу же бедствию, земледелец оный возврати паки злато. И — о чудесе! — злато змий бысть. Прославляюще Бога, дивнаго во святых Своих, вопиём:

Радуйся, яко Моисею, чудесно преложившему жезл в змия, подражал еси; радуйся, человеколюбивый пастырю, избавляяй от бед словесныя овцы стада своего.

Радуйся, обильно всех всеми благами обогащаяй; радуйся, яко Илия, бедных питавай.

Радуйся, немилосердых к милосердию обращаяй; радуйся, достойный пример любви для человеков, в мире живущих.

Радуйся, верных и неверных в бедах утешение; радуйся, древо сеннолиственное, град и страну осеняющее.

Радуйся, славо и похвало керкирян; радуйся, над влагою и сусею, знобем и хладом благодатию Божиею владычествуй.

Радуйся, уставы земли молитвою пременяяй; радуйся, будущая, яко настоящая, провидевый.

Радуйся, Спиридоне, предивный чудотворче.

Кондак 7.

Ходатай пред Господем за всех явился еси, святителю Спиридоне: сего ради и мы прибегаем под кров твой, ищуще спасения, вси бо помощника тебе имамы во всех нуждах, во время глады, смертоносныя язвы и во вся години бед и искушений. Сего ради благодарственно вопиём Богу: Аллилуиа.

Ўкос 7.

Но́вое чúdo вíдим и боголéпное: егда́ ты́, óтче, шéствовал избáвити неповíнно осуждénнаго на смéръть, бúrный потóк преградí пúть тебе́; ты́ же íменем Всемогúщаго Бóга повелéл ему́ стáти и прешéл еси́ со спúтники чрез реку́, я́ко по сýху. Сла́ва о сém чудесí распространíся всýду, и всí просла́виша Бóга, вопию́ще к тебе́:

Ра́дуйся, я́ко иногда́ Иису́с Нави́н чрез Иорда́н реку́ по сýху прешéдый; ра́дуйся, рéчная устремлénия гла́сом своимъ укротíвый.

Ра́дуйся, я́ко трúдный пúть предприя́л еси́, двíжимый милосéрдием; ра́дуйся, я́ко клевету́ разруши́л еси́ и неповíннаго от úз темни́цы и напрáсныя смéрти избáвил еси́.

Ра́дуйся, жи́зни по Бóзе благíй поспéшниче; ра́дуйся, неповíнно угнетénных защítителю.

Ра́дуйся, уста́вов естества́ вóднаго пременíтелю; ра́дуйся, я́ко судию́ вразуми́л еси́ и от убíйства спасл еси́.

Ра́дуйся, íстинное исправлénие ду́ш; ра́дуйся, дíвная си́ло, потóки удержи́вающая.

Ра́дуйся, услажда́ющий сердца́ челове́ков, к тебе́ притека́ющих; ра́дуйся, человеколю́бию Авраáма подража́телю.

Ра́дуйся, Спиридо́не, предíвный чудотво́рче.

Конда́к 8.

Стра́нник и пришле́ц бы́л еси́ на земли́, я́коже и прóчии челове́цы. Оба́че из чре́ва ма́тере Всеведу́щий вели́каго уго́дника и чудотво́рца показá тя, святíteлю Спиридо́не: бе́сы бо изгоня́еши, всякую́ боле́знь и я́зву исцеля́еши, помышлénия люде́й зри́ши, те́мже и дíвен во свята́х

показáлся есѣ. Мы же, возсылающе моли́тву ко Благодáтелю всѣх Бóгу, вопиѣм Ему́: Аллилуѣа.

Ўкос 8.

Вѣсь мѣр ўжасом многим содрогну́ся, егда́ услы́ша, я́ко смѣрть, по гла́су твоѣму́, возвращáет из гробóв мертвецѣи своя́, и возопѣ:

Ра́дуйся, умѣршую дщѣрь свою́, да явѣт врученное ѣй сокровище, к жи́зни воззва́вый; ра́дуйся, скорбную вдови́цу, на сохранѣние зláто вда́вшую, утѣшивый.

Ра́дуйся, умѣршее отрочá из мѣртвых воскресѣвый; ра́дуйся, я́ко мáтерь его́, внезапно от ра́дости умѣршую, оживѣвый.

Ра́дуйся, я́ко уподóбился есѣ Или́и, моли́твами сы́ну сарѣптския жены́ жи́знь возвратѣвшему; ра́дуйся, я́ко и Елиссѣю, возбуди́вшему от смѣрти отрочá, подража́л есѣ.

Ра́дуйся, пáстырю, преѣскренне любя́щий челове́ки; ра́дуйся, женѣ блудни́це, слезáми нóзе твоѣ омѣвшей, грехѣи и́менем Бóга отпусти́вый.

Ра́дуйся, святу́ю рѣвность верховнаго апóстола стяжа́вый; ра́дуйся, я́ко нераска́янная грѣшница, по глаго́лу твоѣму́, в тяжких болѣзнях ўмре.

Ра́дуйся, земли́ плодонóсие моли́твами твоѣими испросѣвый; ра́дуйся, непрелóжное воскресѣния челове́ков уверѣние.

Ра́дуйся, Спиридóне, предѣвный чудотвóрче.

Конда́к 9.

Ду́ха Божѣственнаго осия́ньми озарѣн бѣл есѣ, святѣтелю Спиридóне, имѣл бо есѣ ду́ха премудрости, я́ко мудрыми словесѣи безумных обуѣл есѣ и посреде́ отцѣв вѣру утверди́л есѣ; ду́ха рáзума, я́ко умы́ омраченныя озари́л есѣ; ду́ха стра́ха Бóжия, я́ко вѣну дѣлании богоугóдными ду́шу

очисти́л еси́. Тѣмже, предста́в Престо́лу Вы́шняго, с со́нмом
А́нгелов воспева́еши Ему́: Аллилу́иа.

И́кос 9.

Жѣзл па́стыря словѣсных овец от Па́стырначальника
Го́спода Иису́са приѣмый, святы́й Спиридо́н не премени́
жити́я своегó: нестяжа́телен, кро́ток, любве́ ра́ди вся́ терпя́й,
не постыде́ся пещи́ся и о ста́де безсловѣсных овец. Вся́ сия́
возбужда́ют нас сла́вити Бо́га и взыва́ти тебе́:

Ра́дуйся, сла́ву ми́ра сегó я́ко сýетную презре́вый;
ра́дуйся, мзду́ мно́гу на Небесѣх стяжа́вый.

Ра́дуйся, краса́я ми́ра сегó в уме́ты вмени́вый; ра́дуйся,
сосúде Небѣсных бла́г.

Ра́дуйся, святѣ́йшая па́жите кипри́отов; ра́дуйся, я́ко
тебе́ ра́ди Бо́г хищников овец твои́х невидимы́ми у́зами
связа́.

Ра́дуйся, та́тем оте́ческое вразумле́ние препода́вый;
ра́дуйся, по милосѣ́рдию твоemú за проведѣ́нную без сна́
но́щь овна́ им дарова́вый.

Ра́дуйся, непослуша́нием ко́злища, я́ко бы ра́зум
иму́щаго, купца́, утайвшаго це́ну его́, обличи́вый; ра́дуйся,
утайвшаго сребреники тво́я к пока́йнию приве́дый.

Ра́дуйся, я́ко стра́сти корыстолю́бия увеща́нием своим
исцели́л еси́ его́.

Ра́дуйся, Спиридо́не, предивный чудотво́рче.

Конда́к 10.

Спаса́яй ду́ши па́сты, Бо́гом тебе́ вверенны́я, ты́,
святите́лю Спиридо́не, произво́лением Бо́жиим, званъ бы́л
еси́ явити́ сла́ву твою́, па́че же сла́ву И́стиннаго Бо́га, и в
ины́я страны́, да всю́ду сла́вят И́мя Бо́жие, вопи́юще:
Аллилу́иа.

Икос 10.

Скóрый помóщник и застúпник во всяких нúждах и скóрбех, святýй Спиридóн, по повелéнию царéву, я́коже и прóчии пáстыри, при́иде во град Антиохíю, идéже бé одержíмый болéзнию царь Константíн; святítель главы́ егó коснúся и сотвори́ здрава. Семú чудесí дивя́щися, вопи́ем тí:

Рáдуйся, егóже в сóнном видéнии А́нгел, я́ко целítеля, яви́ царю́; рáдуйся, Божéственныя рáди любвé трúдный пúть в стáрости восприя́вый.

Рáдуйся, царéву рабú, удáрившему тя́ в ланíту, по заповеди Спасítеля, другúю подстáвивый; рáдуйся, стóлпе смире́ния.

Рáдуйся, моли́твами сво́ими слéзно прося́щему царю́ здравие дарова́вый; рáдуйся, я́ко уничи́жением сво́им раба́ вразумíл еси́ и немíлостивый нра́в егó пременíл еси́.

Рáдуйся, я́ко благочéстию и милосéрдию царя́ научíл еси́; рáдуйся, я́ко, ненави́дяй земна́я сокрóвища, зláто царя́ отвéргл еси́.

Рáдуйся, я́ко ученика́ своегó Трифíллиа от пристра́стия к земнým блага́м отврати́л еси́ и сосúдом благода́ти Бóжия соде́лал еси́; рáдуйся, я́ко пришéдшу тебе́ в Александрíю, íдоли падо́ша.

Рáдуйся, ему́же и бéси повинúются; рáдуйся, я́ко от идолослужéния мно́гих отврати́л еси́.

Рáдуйся, Спиридóне, предíвный чудотво́рче.

Конда́к 11.

Пéние а́нгельское бы́сть, егда́ во хра́ме приноси́л еси́, святítелю Спиридóне, вечер́ния моли́твы Твоя́, и не бéша сослужáщии тебе́. Жíтелие же гра́да, дíвное пéние

слы́шавше, внидо́ша в хра́м и, никогóже ви́девше, с Го́рними си́лами воспева́ху: Аллилу́иа.

И́кос 11.

Светоза́рное со́лнце ми́рови, собесéдник А́нгелов бы́л еси́ на землі, святітелю Спиридо́не; преда́в же дýх тво́й в ру́це Бо́жии, пресели́лся еси́ в Го́рняя селéния, моля́ся за ми́р пред Престо́лом Влады́ки. Мы́ же, живу́щии на землі, вопи́ем ти́:

Ра́дуйся, я́ко тебе́, ещé жи́ву сýщу, сослужа́ху А́нгели; ра́дуйся, псалмопéние Арха́нгелов слы́шавый.

Ра́дуйся, ви́димый о́бразе на́шего преображе́ния; ра́дуйся, я́ко недоста́вшу еле́ю в хра́ме Бо́г тебе́ ра́ди с избы́тком лампа́ды напо́лни те́м.

Ра́дуйся, лампа́до Божéственнаго сия́ния; ра́дуйся, сосúде благода́ти Бо́жией, обильно, подо́бне еле́ю, наполня́ющей дýшу твою́.

Ра́дуйся, неизсяка́емый исто́чнице, прісно источа́ющий все́м то́ки благода́ти; ра́дуйся, о нёмже изумля́ются А́нгели.

Ра́дуйся, преслуша́ние диа́кона в хра́ме наказавый; ра́дуйся, тщесла́вившагося сво́им гла́сом, и гла́са и язы́ка лиш́ивый.

Ра́дуйся, я́ко, во вре́мя зно́я, внеза́пу роса́, снизше́дшая Свы́ше, священну́ю твою́ главу́ прохладі́; ра́дуйся, в зна́мени се́м бли́зость преста́вления своего́ прови́девый.

Ра́дуйся, Спиридо́не, предивный чудотво́рче.

Конда́к 12.

Покро́в и прибéжище бы́вый все́м к тебе́ притека́ющим ве́рным ещé в жити́и твоём, ты́, святітелю, не оста́вил еси́ нас си́рых и по твоём успéнии; Бо́г, побежда́ющий естества́ чин, сохрани́ святы́я мо́щи тво́я нетле́нными во укрепле́ние

правосла́вныя ве́ры и благоче́стия, в зна́мение безсме́ртia, Егóже прославля́юще, вопи́ем: Аллилу́иа.

И́кос 12.

Воспева́ем тя́, святíteлю Бóжий, я́ко удиви́л еси́ ми́р чудесы́, истека́ющими от святы́х моще́й твои́х. Все́ бо с ве́рою приходя́щи и лобыза́ющи их получа́ют все́ благопотре́бная проси́мая. И мы́, да́вшего тебе́ кре́пость, венча́вшего тя́ венце́м нетле́ния и де́йствующаго тобо́ю Бо́га прославля́юще, вопи́ем ти́:

Ра́дуйся, во вре́мя гла́да корабельником яви́выйся и пи́щу доста́вити повеле́вый; ра́дуйся, слепы́м, с ве́рою прите́кшим к святы́м моще́м твои́м, зрeние дарова́вый.

Ра́дуйся, от неисце́льнaя болeзни о́трока исцели́вый; ра́дуйся, бе́са из жены́ изгна́вый и здра́ву ю́ сотвори́вый.

Ра́дуйся, возбра́нный воево́до Керки́ры; ра́дуйся, я́ко по́лчища злочестивы́х агарян изгна́л еси́ и корабли́ их в пучи́не потопи́л еси́.

Ра́дуйся, егóже видeша окру́женнаго со́нмом А́нгелов, в десни́це мeч держа́вша и в трeпет врагóв привeдша; ра́дуйся, создáти себе́ хра́м, во eже соверша́ти в нём литурги́ю на прeсном хле́бе, воево́де возбраня́вый.

Ра́дуйся, воево́ду лати́нскаго лю́тою сме́ртию порази́вый; ра́дуйся, мо́лниею изображе́ние егó в до́ме в Вене́ции соже́гший.

Ра́дуйся, отсту́пльства и лжемудрова́ния За́пада посрамя́вый; ра́дуйся, еди́ную правосла́вную ве́ру бы́ти истинную и спаси́тельную для челове́ков утверди́вый.

Ра́дуйся, Спиридо́не, предивный чудотво́рче.

Конда́к 13.

О пречу́дный святíteлю Христов, о́тче Спиридо́не! Ны́нешнее на́ше молeние приeм, изба́ви на́с от все́х бе́д и

напáстей, укрепí на врагí странú нáшу, дáруй нáм оставлénие прегрешénий и измí от вéчныя смérти всéх вопиúщих о тебé к Бóгу: Аллилúиа.

Этот кондáк читается трижды, затем íкос 1-й и кондáк 1-й.

Молíтва.

О великий и пречудный святителю Христов и чудотворче Спиридоне, Керкирская похвало, всея вселенная светильниче пресветлый, теплый к Бóгу молитвенниче и всем к тебе прибегающим и с верою молящимся скоропредстательный заступниче! Ты веру православную на Никейском Соборе посреде отцев преславно изъяснил еси, триединство Святыя Троицы чудесною силою показал еси и еретиков до конца посрамил еси. Услыши нас, грешных, святителю Христов, молящихся тебе, и сильным твоим предстательством у Господа избави нас от всякаго злаго обстояния: от глада, потопá, огня и смертоносныя язвы. Ты бо во временней жизни своей от всех сих бедствий избавлял еси людей твоих: от нашествия агарян и от глада странú твою сохранил еси, царя от неисцельнаго недуга избавил и многия грешники к покаянию привел еси, мертвых преславно воскрешал еси, за святость же жития твоего Ангелы, невидимо в церкви поущия и сослужащия тебе, имел еси. Сиче убо прослави тебе, вернаго Своего раба, Владыка Христос, яко вся тайная человеческая деяния дарова тебе разумети и обличати неправедно живущия. Многим, в скудости и недостаточестве живущим, ты усердно помогал еси, люди убогия изобильно во время глада напитал еси и ина многа знамения силою в тебе живущаго Духа Божия сотворил еси. Сиче и нас не остави, святителю Христов, поминай нас, чад своих, у Престола Вседержителя и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдныя и

ми́рныя, и блаже́нства вѣчнаго в бѹдущем вѣце сподобит нас, да вѣну возсыла́ем сла́ву и благодарѣние Отцѹ и Сѣну и Дѹху Свято́му, ны́не и прѣсно и во вѣки веко́в. Ами́нь.

Моли́тва втора́я.

О всеблаже́нне святѣтелю Спиридо́не, вели́кий уго́днице Христов и пресла́вный чудотво́рче! Предстоя́й на Небеси́ Престо́лу Бо́жию с ли́ки А́нгел, прѣзри ми́лостивым о́ком на предстоя́щия здѣ лю́ди и прося́щия си́льныя твоея́ по́мощи. Умоли́ благоутро́бие Человеколю́бца Бо́га, да не осудит нас по беззакони́им на́шим, но да сотвори́т с на́ми по ми́лости Сво́ей. Испроси́ на́м у Христа́ и Бо́га на́шего ми́рное и безмяте́жное жити́е, здра́вие душе́вное и телѣсное, земли́ благопло́дие и во все́м всякое изоби́лие и благодѣнствие, и да не во зло́ обратѣм благая́, да́руемая на́м от ще́драго Бо́га, но во сла́ву Его́ и в прославлѣние твоего́ заступлѣния! Изба́ви все́х вѣрою несумне́нною к Бо́гу приходя́щих от всяких бе́д душе́вных и телѣсных, от все́х томлѣний и диаво́льских наве́тов. Бѹди печальным уте́шитель, недѹгующим вра́ч, в напáстех по́мощник, на́гим покрови́тель, вдови́цам заступник, си́рым защи́тник, младе́нцем пита́тель, ста́рым укрепите́ль, страна́ствующим путево́ждь, пла́вающим ко́рмчий и исходата́йствуй все́м, крѣпкия по́мощи твоея́ тре́бующим вся́, я́же ко спасѣнию, поле́зная. Я́ко да, тво́ими моли́твами наставля́еми и соблюда́еми, дости́гнем в вѣчный поко́й и кѹпно с тобо́ю просла́вим Бо́га, в Тро́ице Святе́й сла́вимаго, Отца́ и Сѣна и Свята́го Дѹха, ны́не и прѣсно и во вѣки веко́в. Ами́нь.

Моли́тва тре́тия.

О преблаже́нне святѣтелю Спиридо́не! Умоли́ благосѣрдие Человеколю́бца Бо́га, да не осудит нас по беззакони́ем на́шим, но да сотвори́т с на́ми по ми́лости Сво́ей. Испроси́ на́м, рабо́м Бо́жиим (имена́), у Христа́ и Бо́га на́шего ми́рное и безмяте́жное жити́е, здра́вие

душе́вное и теле́сное. Изба́ви на́с от вся́ких бе́д душе́вных и теле́сных, от все́х томле́ний и диа́вольских наве́тов. Помина́й на́с у Престо́ла Вседержи́теля и умоли́ Го́спода, да пода́ст мно́гих на́ших грехо́в прощ́ение, безбе́дное и ми́рное жити́е, да да́рует на́м, кончи́ны же живото́а непосты́дныя и ми́рныя и блаже́нства ве́чнаго в бу́дущем ве́це сподо́бит на́с, да непреста́нно возсыла́ем сла́ву и благодарéние Отцу́ и Сы́ну и Ду́ху Свято́му, ны́не и пр́исно и во ве́ки веко́в. Ами́нь.